

寺觀志專輯

中國地方志集成



中國地方志集成

寺觀志專輯 ⑨

杭州大慈山虎跑泉定慧寺志	東天目昭明禪寺志	理安寺志	廣壽惠雲寺志	聖因接待寺志	雲居聖水寺志	龍興祥符戒壇寺志	聖果寺志	昭慶寺志
--------------	----------	------	--------	--------	--------	----------	------	------

昭慶寺志

(清) 吳穎芳 纂



本書十卷。現據清光緒八年（1882）
浙江杭州丁氏重刊本影印。

重刻大昭慶律寺志序

本寺掌故有昭慶伽藍記昭慶紀事喜日宗譜天目廣賓上人流谿子綜而鱗次之撰西湖律宗大昭慶寺志輯畧十四篇方丈宜潔宗師蒐探未得別裁志藁五卷淨慈讓公爲之釐正繕校就材施功繩削冥合付梓流迺二十餘年矣茲遇

翠華

賴駐利土增榮而懷德律師承茲景運益昌前人之堂構儉者豐之樸者華之補其闕漏續有恢張寶地香臺苗髮無欠不有紀述何榘邗隆用是重以纂輯之事委於樹虛樹虛訪求梵夾獲宗譜輯畧二編更

昭慶寺志吳序

爲刪棄煩蕪添增華實藁成十卷科門八門易例發凡核眞折謬壁壘改其前觀斧藻設於繪綉長行未悉做斑氏志之衍爲細書故典可援重謝公賦之徵於小注所愧宗無鄴架腹欠遼筭欲闡市而足蹇將舊書而酒之爲實作朋更呼將伯敢期陽春洛陽伽藍之編實獲劉瑒京師寺塔之記乾隆二十九年甲申冬月臨江鄉人吳樹虛序

大昭慶律寺志原序

昔摩騰竺法蘭二尊者以白馬負經至震旦漢帝館之於鴻臚寺中後建僧坊總名爲寺不忘其自始也今天下名藍勝刹悉皆有志不惜經營於紙墨聚棗而綴述之撰厥所由豈有外於不忘其始之意哉儒家流每每以文章報國恩吾氏大迦葉以結集三藏爲報佛恩大法流通百千萬年無既凡夫生於末世目不觀玉毫之相耳絕金口之音能於煩惱海中忽地探知靈山妙旨自證佛性徒以結集之文尚留爲可幸耳是以德離乎文不著功離乎文不顯言離乎

昭慶寺志原序

文不傳志乘者所以著其德顯其功傳其言也所繫不綦重乎昭慶宜潔老人深悉此義於其締造土木勤瘁中畱意本寺志藁再嗣而爲懷德律師體祖本懷檢所藏繕本畀余釐正付梓是舉也尚異乎迦葉之體佛意而結集三藏也以報佛恩以續祖緒二者均能踐焉乾隆壬戌春三月淨慈沙門篆玉序

大昭慶律寺志總目

序

寺圖

卷之一

盛典

興建上

卷之二

興建下

卷之三

舊蹟上

昭慶寺志總目

卷之四

舊蹟下

卷之五

淨社

卷之六

戒律

卷之七

軌儀

卷之八

僧伽上

卷之九

僧伽下

卷之十

游集

昭慶寺志總目


大昭慶律寺志總目終

昭慶寺

寺圖



昭慶寺志



昭慶寺志



大昭慶律寺志卷之一

盛典

國家治定功成文安武肅函夏謐寧海外有截

天子猶殷視民如傷之懷舉

巡方之典

駐蹕杭州樹酌風土所宜

布寬大

沛恩膏然後攬勝山川延慙佛刹而昭慶亦蒙

慶幸焉情法苑之盛事叢林之鉅典也恭紀康熙二十八年歲次己巳二月初十日

昭慶寺志卷一

聖祖仁皇帝駕幸昭慶寺

賜龍賜名香供設佛前臣僧書玉伏迎三十五年正月望日

丙子大宋深求齋

賜金剛尊經永充供養五十二年冬月順承王諾奏請

頒賜藏經六百七十函

世宗憲皇帝居藩邸時

頒賜法離重來匾額乾隆五年冬月

今上皇帝欽賜藏經全部十六年歲次辛未三月初十日

皇帝駕幸昭慶寺臣僧果證伏迎

欽賜哈答供佛及深入定慧匾額細字心經寶塔一幅

御製西湖畫冊昭慶寺五言律詩

招提湖北角闕武便會過碧篆消新火青松老柯客
心惜頽廢僧意冀檀那欲擬從其願民財盡費多

二十二年歲次丁丑二月二十八日

皇帝駕幸昭慶

臨定觀堂臣僧果證伏迎

御製昭慶寺七言律詩

錢唐門外古昭慶取便尋幽過野隄僧不參禪修淨業
佛無定相示全提法林自是忘憂所精舍堪稱小隱棲
而我民艱常滿目豈能耽靜對閑黎

昭慶寺志卷一

二十七年歲次壬午三月初五日

皇帝駕幸昭慶

臨定觀堂臣僧果證伏迎奏對

賜掛包一對

皇太后駕輿臨寺

賜供佛香燭銀二十四兩

御製昭慶寺五言律詩

寶叔遙瞻塔錢唐近度橋偷閒游佛境問景慙僧寮辨
見還參栢徵心欲剝蕉香花羣祝願

慈慶喜恒昭

三十年歲次乙酉閏二月初九日

皇帝駕幸昭慶

臨定觀堂 臣僧果證 伏迎進

呈寺志卽蒙

御覽

皇太后鸞輿臨寺

賜供佛香燭銀二十四兩

御製昭慶寺五言律詩

錢塘西北隅律寺接通衢六度守昆苑千年對聖湖繞

階覆忍草出屋鬱禪株

昭慶寺志卷一

慈壽山齊永誠哉昭慶符

溯昭慶自興創以來將近千載遙望北都輦轂驛程

數千等於牛斗南躔安冀

紫微帝座臨照而今遭逢異數荷

光頻仍頓令古佛揚眉天神加額

黃屋所駐林木咸被其光昌

玉趾所臨欄楯悉增其彩絢萬古一時何昭慶之多幸也

凡諸持律守戒禪人當知遇此際會

現在世尊隨喜發光永除魔嬖如能莊嚴儀度清淨行業

深自刻厲克盡佛規庶幾得副

聖天子行幸之至意而修四微果圓滿菩提於
在天辨日之時方謂之昭其慶也

昭慶寺志卷一

興建上

西湖為吾杭勝地山川明秀甲於天下瀕湖百刹鐘鼓相聞而宏敞偉麗道風特盛者昭慶淨慈對峙南北稱兩大馬辨方位據高深全湖如鏡溶漾乎其前長隄如帶綿亘乎其中右而羣峯邈迤如幃如幃如龍之行如浪之趨南屏對焉如几如案左而百雉延袤如垣如屏橫抱山麓自昭慶既建而凡湖山城郭之形勢風烟雲物之奇秀樹色波光之滄沓香塵花鳥之融怡皆得為昭慶有益寺地實居其上游也寺為有宋精藍四百八十一之一在今講教大刹名列五山而獨聖會城地當要道凡燒香禮刹者皆探勝之車馬杖屐首必經之是以雖少替而即興值升平而益盛極隆之選實在

昭慶寺志卷一

聖朝建古揚今為撰斯記考本寺在錢唐門外西去府治三里名善提院石晉天福元年丙申吳越王錢鏐立德二年重建僧永智開山大平興國三年吳越七年賜額大昭慶律寺復賜田盧以奉香火益南屏亦有昭慶院加大字以標勝也

舊有善提寺記失傳舊志所述云云似其遺語咸宜臨安志云宋乾德五年建據重建即新方稱大

剎紀其盛而各其微也乾德止有四年第五是開寶元年五或二字之譌

自消化至天福年僧省常結華嚴淨行社旁構白蓮綠野二堂碧玉四觀二軒遵式仁繼復揚經教未幾燬於火慶歷二年壬午允堪建地湧戒壇及鐘樓昭慶法會於斯極盛紹興七年毀於兵詳見後卷

寺舊志載二老堂雜志云昭慶寺有鐘樓上東坡寫竹尙可辨竹下題名云明夫子方明昭慶道嘉甫子瞻同遊南昭慶寺庚午天聖八年八月日題予紹興庚辰年三十往觀明年再往則已茫昧其後移

往鎮江府謝后功德院不復可見矣案南山有昭慶寺與惠照寺相近南宋時昭慶惠昭為朝廷祠祭之所詳見咸淳志蘇公所游南昭慶指此非大昭慶也舊志誤收

咸淳志云南渡以其地為兼選軍鋒教場惟存戒壇數間而已又云策選鋒馬軍四寨教場在羊力橋二在昭慶寺側二步軍六寨教場在昭慶寺側

寺舊志云紹興燬後壇址常放寶光大內驚是火發遣人覘之見光從壇起發址得石碑有此古然燈佛降生之地九字又見牛羊登踐必跪而食艸

燈佛降生之地九字又見牛羊登踐必跪而食艸

燈佛降生之地九字又見牛羊登踐必跪而食艸

燈佛降生之地九字又見牛羊登踐必跪而食艸

燈佛降生之地九字又見牛羊登踐必跪而食艸

燈佛降生之地九字又見牛羊登踐必跪而食艸

寺由是復興案陸次雲湖甯雜記亦述其事語本此

朱隗春日偕友人過昭慶戒壇老僧口述靈異有作盤陀無級上繞罷禮空王磬子知金地宮人

望寶光自甘蓮社老轉惜杏壇荒柳汁春衫舊雙祛惹戒香

嘉定寶慶間漸次興復理宗端平中欽賜劄付三道蠲免稅役勒石明末始毀宋末為兵所毀元至正十八年重建元末又毀

邵昇客杭日記云至大元年九月二十九日湯君

昭慶寺志卷一

七

白來同游昭慶寺看新塑佛像案至大在至正前十餘年而舊志所載綠野堂門方丈二字趙孟頫書亦應在至正之前又至正戊戌羣盜縱橫不應辨此暇豫之事皆可疑者恐至正十八年是興復後作記文之年月也

明洪武二十四年辛未大慧承朝命建戒壇復白蓮義野諸勝永樂六年慧皎重修及山門殿宇十五年普周增建法堂齋室鐘樓正統元年慶雲鑄大鐘建其樓十年勅賜大藏經自洪武至是時開壇說戒昭慶於時復盛成化元年燬於火

賜藏經勅諭云朕體皇曾祖考之志刊印大藏經典頒賜天下用廣流傳茲以一藏安供浙江杭州府戒壇律宗大昭慶寺永充供養聽所在僧徒看誦讚揚上為國家祝釐下與民生祈福務須敬奉守護不許縱容閑雜之人私觀借玩輕慢褻瀆致為損壞遺失敢有違者必究治之

二年丙戌廣慎行募六年善堂復建十四年十月火燬二十二年丙午法訊等稟之官達於朝許令勸募興復吳興吳瓊應募獨建

昭慶寺志卷一

孤樹夏談云杭州大昭慶律寺成化二十二年命潘泉二司勸建因召吳興吳汝輝秀水董良臣諭勸此見汝輝問費約幾何曰約銀萬兩汝輝即獨任之納銀千錠官設宴待之問何概施若此曰民一子不肖雖饒所積終不保不如作時事眾皆嘉歎

宏治五年廣運清理寺基僅六十畝至是少恢復之嘉靖三十一年修萬善橋金路撰碑記

金路重修萬善橋記云西湖昭慶寺舊名苦是起自梁唐至宋興國肇戒壇於此賜改今名其來遠矣寺據西湖之陽迤北湖流光禱望

環繞淨室每歲春二三月天下游僧梯山航海而來畢集於此投名律師咸受具足大戒嚴如見佛亦大歡喜其諸有家率往從之實勝會也寺有萬善橋歲久傾圯行僧恩蔭銳意修復乃會道者真寶來自雷都委其勸募鳩工積石未易興舉內相中山宗公西峯部公少參湖溪謝公少蟬談公主改鈍菴趙公暨吾杭士夫符卿六橋徐公督師鹿園萬公諫議虛巖傅公石山高公僉憲南屏張公侍御南衡董公與余及諸里咸允相助捐金有差始於嘉靖戊申訖工於越歲壬子自橋迤南甃爲

昭慶寺志卷一

石道橋加闌楯視昔孔備行止淨潔若舊壇所立碑中道覆以石亭爰集寺僧請余爲記時適會太守環山孫公至此以爲說戒本以勸修修橋亦以濟人皆善事也行之弗禁羣乃大悅予嘗旁求釋典大都明心見性爲上乘而一切詮證法品晨昏禮誦動習威儀淨持五戒雖不得一時究意闕通然漸悟有基終成勝果夫道本無二而根習不同是故悟有淺深教分南北頓悟者不事講求直指見性漸悟者成以積習所謂戒而後定定乃生慧及其成功則一而已我太祖高皇帝繼天立極掃

清寰宇每詔天下寺僧各守清規化民爲善卽令戒壇之設實因於此而儒者往往論其粗迹遂謂毀髮減倫斥而不錄甚或假以崇正闢邪爲說而陰奪其有圖以自資者此則吾儒之異端不可不察也余因述治橋說戒之大畧而并及於此有道君子不能無慨於斯焉

三十三年甲寅夏倭寇擾杭官令焚寺

雷青日札云嘉靖三十五年倭寇臨北關都御史李天寵遣焚之乃五月六日也案明史載三十三年李天寵巡撫浙江三十四年倭掠塘西橫塘等

昭慶寺志卷一

鎮巡撫李天寵令燒附郡民居其年五月天寵受遠則是寺之焚定不在三十五年也

三十五年總制胡宗憲偕紳士倡建廣霽恩嵩暨道通等募緣興復胡宗憲撰碑記

舊志載廣霽請諸山行師書云茲昭慶遷佛戒壇先時仗部主楊侯推舉吳興吳善士汝禪落成勝果歷今六十餘年不謂劫灰重覩海衆難憑揚塵呼帝闕於光天拈草插梵宮於白地伏蒙郡主陳侯勸諭仁和善士東橋陶公鼎建前因樂輸首舉化儀旣展能事孰肩恭惟座下天才明敏世諦淹

通上而當道稔知下而諸方景慕輿情故請勅惠
頰臨發心使龍象重光出手遂甄陶濟美莊嚴事
理蔭覆天人謹竭殷勤幸垂印可 請外山十願
首中天竺寺道通無礙師定香寺真琦翠峯師棋
槃山道正古宗師祥符寺圓鈔本綱師無門洞圓
杲師泊本寺福蘭谷香等 胡宗憲昭慶寺碑徐渭
代作杭錢唐門之外有寺名昭慶肇自石晉天福元
年僧承智造錢氏乾德五年增建並名菩提宋太
平興國三年始立戒壇天禧初改今額是歲火二語
誤慶厯間復壇焉國朝自洪武初厯成化改元凡

昭慶寺志卷一

上

修而火者再承數語至憲宗皇帝始更命浙布按二
司建復之時按察使楊君繼宗領其事有湖州富
民吳瓊者應募挈萬金來施舍乃殿宇廡舍瓊至
肖像窮極壯麗巖然一新復有湖山照映僧寺聯
絡傳示遠邇於是昭慶之戒壇名天下戒之日兩
京諸省之僧尼道士若居士若四裔之在海內外
奉朝貢其民有信慕可以梯航至者無不畢集既
受戒固亦多持守以終其身如是者益百幾十年
於茲矣嘉靖三十四年予以御史奉命出按浙夏
月倭人寇杭入湖墅當事者恐其區廣爲賊數命

火之居幾年鄉之先生尚寶卿徐君江山副使吳
君源章君漢臣方君九叙並夙抱宏濟既不竟於
仕而欲施於其隱相與謀復寺於是上自封國若
內監若卿大夫士若農工賈靡不割費以襄斯役
及來告予亦捐百金畀之又始用堪輿家說買民
間舍闢使寺望見西湖水以厭火災蓋所構計今
殿壇禪室像几若干瓦甃石若木若干舍財者若
千人董役若募者爲某某金若干兩起某年月日
至某年月日而落成既成而尚寶君等詣軍中請
余紀其事余惟佛之教自古稱異端爲吾儒所闕

昭慶寺志卷一

然錄其善有不可盡棄之者卽如蓋寺蓋亦有二
可建者存焉始憲皇帝意營此命下之日乃有淑
女產於杭實生睿皇帝傳今上聖明入嗣大統綏
天下是宜爲君上報一可建洪武初東後兒順遣
僧祖闍無逸輩順其俗所當令化導之則佛之教
固高皇帝所不廢者且外邦慕中國佛法往往遣
僧詣天台五臺受法及經戒遂因以通貢獻表服
從益自古帝王已許其然不猶愈於絕之使梗而
掩殺其命乎則此舉其於今日尤宜二可建戒之
律大若細凡二百五十種犯者至配於五刑今世

之愚民有不畏法而怖以佛輒甘心焉是佐刑政所不及審如是即優伶劇謔猶取之而况於佛三可建夫有是三者雖其爲教異吾聖人不害其爲助我而胡必於去之耶余是以可斯舉爲之紀事而系之詞詞曰於世有禪劇戲猶取佛所裨益寧與廟偶世有冥愚惑不畏死一聞如來志羈羈駭辟造堂室我則正戶由徑而造則以戒故徑以造室寧阻趨者別啓聖祥而導裔化壇殿載新俯瞰湖水終于萬年永無災燬

部割復令開壇至嘉靖末年因事禁止

昭慶寺志卷一

舊志云嘉靖末年馬鞍山戒壇潛匿無賴有詔禁止

嘉靖四十五年廣雷建伽藍殿隆慶二年丁曜建山門石牌坊萬曆丙戌按察僉事丁應詔題曰律宗萬善戒壇隆慶三年六月寺燬於火

陸次雲湖瑞雜記云故老謂余曰此番起火甚異是夜有僧跌坐殿中夜將半見赤髮金冠袍笏者在側僧問爾何神曰火神來行火此殿僧叱之神隱入礎中飛燄猛起梁棟悉燃

汪道昆作募疏釋方澤作勸修戒壇文

募疏云我聞三世諸佛率由持戒入門一切衆生必自發心得果河沙歷劫塵刹代興幸哉遵大因緣勉矣求多福德維西湖昭慶律寺爲東土說戒道場信心自此歸依法眼從茲開示人天咸賴今古具瞻比年災惡當權伽藍失守三乘相滅五戒言潭烏兔已見歲遷龍象如聞夜泣有能舉之則莫敢廢不有廢也其何以興用是昭告十方同興萬善宰官首事長者齊盟無分住俗修行悉聽隨緣布施各從願力共濟供需當來種諸善根現在成多寶地苾芻畢至蘭若重開闍佛法於三千翠

昭慶寺志卷一

四

皇圖於百億發菩提心囊底莫辭刀布舉須彌力眼前便現金繩指日莊嚴彌天利益凡諸無量當亦有歸

勸修文云律宗昭慶擅有古佛戒壇諸山莫儼每歲季春遠近衲子來赴者以數千計諦聆說律如承佛口而受持焉誠天下之大功德聚也去年暑月諸浪夫狂子什伯爲羣每夜突入喧呼毆擊裸臥像前忽一夕火發殿中雷風在之鞠爲煨燼嗚呼將衛法怒其穢褻欲一新之耶宋季無準範師主席徑山兩羅回祿而隨毀隨成徑山道風益

光美今豈符其轍耶今春仲月一山王子顯瞻壇址愴焉興嗟頃之潘中丞自歸安至錢唐徘徊惋歎乃相與問之諸當事聽許募復監寺諸僧憚於瀆勤檀護王子諭之曰復殿以復壇復壇以復戒也戒者生育一切有緣者之法身父母報其法身父母一生二生乃至百生猶將不靳况一再乎檀護知此意矣諸師無憚於勤

萬厯初年沈士賓建祖師殿二年成梁文槐法經及信道人募建後殿九年法經等建正殿范鐵佛三身十三年木然建普說殿及北面內殿

昭慶寺志卷一

白旂靈隱寺志云嘉靖乙卯倭犯我杭因毀昭慶寺修復未幾復毀既而靈隱亦以雷電災自是以來頽年早潦今二刹巍然復興比歲又皆豐稔是大刹之顯晦亦與運為污隆矣

十四年丙戌太后賜畫瑞蓮觀音像白金五兩十五年遣內侍賫賜畫文殊乘獅像魚籃大士應身像後勒石毀於是開壇說戒

瑞蓮觀音贊曰惟我聖母仁慈格天感斯嘉地闕產瑞蓮加大士像勒石流傳延國福民膏壤同堅十八年成圓智禮等募勸織造太監孫隆大捐贊修

增殿宇橋道浚井滌池二十年寺前東街建甘露亭釋理順昭慶十詠小序云亭中寒暑皆備湯今廢入民居

二十六年建東西兩廊四十八間分布諸僧房居之出舊址以清寺基二十七年建千佛閣三十年建鐘樓又施水陸聖像一百二十五軸天地冥陽大幡一首旁繫小幡二百餘

庵上有繡金字云天尊地聖水哲揚賢四府該羅無邊尊宰

昭慶寺志卷一

寂空水澄被戒則沃志常惺慧光發聖故學佛者從前阿而後茶由化城而寶所發心初始萬劫之勝因究竟後來千聖之樞果孰有離戒而修持捨戒而證悟者或參七級之寶塔此是崇基如渡萬頃之洪濤斯為巨筏教門廣綜諸部匪戒則教僅言筌宗門單悟一心匪戒則宗騁狂慧是以梵網木叉先聖示為科律布薩羯磨古德用以修持持已精嚴小乘之立法尙密運心廣大圓教之制律更宏將道俗之同修顯自他而俱利水火刀兵可蹈而不可使染汗頭自髓腦可捐而不可使破犯

惜戒深於菴牛之愛尾守戒專於驪龍之護珠防
三業而如城至堅微瑕莫入澡六根而如蓮極淨
纖垢難容匪惟執身無犯外軌整而肅然且亦執
志罔替內境疑而寂若蘆荀之鮮花不萎豈止勝
乎凡葩比邱之戒德不虧又何有於外道金鐸所
宣曠怪聞而遁跡革囊空試天龍望以投誠六朝
及李唐之智顛道進慧遠道宣則其卓然者矣武
林舊多名刹沙門亦富高流自壽公之衍宗鏡故
宗屬南屏自堪公之創戒壇則戒推昭慶伊法門
尊宿禮梵宇而來依苟戒體餘殘望淨壇而退惡

昭慶寺志卷一

猗與盛哉寺建於石晉天福年間累有興廢至我
朝隆慶三年復羅煨燼殆有司禮監孫公隆偶隨
喜而興懷遂大作其檀越成圓智禮等復廣募緣
於是正殿戒壇兩廡門樓煥然復新巍然增勝樓
之前爲天王殿放生池廟貌崇嚴清流映帶樓之
後爲綠野堂旃檀林欄楯精麗松栝陰森入殿而
禮佛則金容晃日繡蓋成霞儼華嚴之寶界出門
而眺景則山列雲屏湖開天鏡現震旦之靈區繙
素遂以雲蒸戒法因而日朗掃淨室而修禪歸命
者不但句驪之子登講堂而說戒願受者何止嵩

嶽之神律嚴則慧劍高懸羣邪立退塵淨則心珠
活現眾妙聿臻以期綜教何教勿到以斯悟宗何
宗勿微故曰戒爲本也斯豈非上善佛地最勝叢
林哉孫公夙奉三寶根器不凡偏結諸緣風標可
摧而力興建乎道場則有如智禮大增光於講席
則有若傳如事皆有待機豈偶然不佞願諸沙門
從此益務翹勤精持律範誓作法門之具德力敷
戒壇之耿光則大幸矣

昭慶寺志卷一

浪瀚碑記云虎林昭慶寺爲兩山諸刹之最入明
以來四災於火雖隨毀隨復僅立殿宇而堂軒傾
圯中爲芻牧環寺列肆外隔雲山荒落之餘殊非
舊觀寺僧成圓等矢恢之而志未逮也歲丙子司
禮東瀛孫公督造三吳未至山靈見夢於僧曰寺
興矣既而公至顧瞻茲寺量度久之首捐俸直前
易闕闢直闢天衢樹以雙闕表以朱幢山色湖光
悉歸睥睨次葺天王殿梵萬善橋泔放生池下栽
青蓮上植名花祇樹夾道翦翳竄紛左凌義井利
用綬汲中繕大雄寶殿奉三世靈山聖像寺陰爲
說戒壇高一切廣二尋供舍那爲戒主藏五千貝
葉於其中隅列傳道祖師下斲昭靈護戒諸神陽

爲曾說殿北面普門大士左爲綠野堂供水陸像
右爲白蓮堂續延雲水高殿崔巍長廊詰曲金輪
現彩朱閣疑霞躋斯域者若身遊清涼涉其奧者
卽塵襟盡釋經始於萬厯戊子落成於壬辰孟冬
夫以百年頽敝公至而一旦新之世所稱祇陀給
孤豈非其人哉顧公德不止於此也頃歲水旱告
祲則徒跣徧於羣神灾沴爲虐則軫卹先其閭左
拯流離以惠困窮收膏酪以澤枯骨滌三河控江
湖以達會城道西陵築長隄以濟徒步種種善政
更僕未易數也公嘗語余曰吾俸給出吳越故惠
濟在是旦夕入司政本俸給天下則其推一人之
惠以濟天下又奚讓焉萬厯二十一年癸巳成圓
傳如淨筇智禮大愧文墨清臻成倫勒石

昭慶寺志卷一

大昭慶律寺志卷之一

大昭慶律寺志卷之二

興建下

萬厯三十三年傳如達於朝上命漢經殿太監張然
賜大藏經全部帑金千兩建閣供奉勅名萬壽戒壇
董其昌書額

昭慶寺志卷二

勅云諭杭州府護國萬壽戒壇律宗大昭慶寺住
持及僧眾人等朕發誠心印造佛大藏經頒賜在
京及天下名山寺院供奉經首護勅已諭其由爾
住持及僧眾人等務要虔潔供安朝夕禮誦保安
眇躬康泰宮壺肅清懺已往愆尤祈無疆福壽民
安國泰天下昇平俾四海八方同歸仁慈善教朕
成恭已無爲之治道焉今特差漢經殿表白御馬
監太監張然齋請前去彼處安供各宜仰體知悉
欽哉故諭六百七十八函一萬五千四十八卷

四十一年鎮元圓龍等募易朽蠹董其昌作疏

疏云浮家汎宅戴青笠於雷溪破家散宅鄰朱提
於湘水昔聞其事今見其人予友楚雄守徐公是
已公自解組以來二十許年辭王謝之游參支許
之會築室梵邨經行昭慶瞻金相育其渴痕仰寶
殿現夫壞相雖翬飛之勢猶存而鼈極之維已朽